

გია ონიანი: „ყოველთვის ვცდილობ, გავითვალისწინო ახალგაზრდების აზრი...“


ლენტეხის მერის პასუხი ახალგაზრდებს

ჩვენმა მკითხველმა იხილა, რომ გაბათი „ლენტეხისი“-ის მე-4 ნომერში გამოქვეყნდა სტატია „რა სურთ ლენტეხელ ახალგაზრდებს“, სადაც ახალგაზრდებმა გამოხატეს თავიანთი აზრი იმ საკითხებზე, რას სურთ, რომ ლენტეხში უფრო განვითარებული იყოს. ჩვენ ახალგაზრდების მოსაზრებებთან დაკავშირებით კომენტარი ვთხოვეთ ლენტეხის მერს, ბათუმ გია ონიანს, რომელიც თავადაც დაინტერესებულია, რომ მაქსიმალურად გაითვალისწინოს ლენტეხელი ახალგაზრდების სურვილები.

- **ბატონო გია, როგორც ვიცით, თქვენ გაეცანით წინა ნომრის სტატიაში ახალგაზრდების გამოთქმულ სურვილებს და გვსურს, უპასუხოთ მათ. რა სახელები იგეგმება ახალგაზრდებისთვის ლენტეხში?**

- მოგესალმებით, მე მინდა, გამოვხატო ახალგაზრდების სტატუსი. ძალიან საინტერესო იყო ჩემთვის და ყოველთვის ვცდილობ, გავითვალისწინო მათი აზრი, განსაკუთრებით იმ ახალგაზრდების, ვისაც სურთ ლენტეხის წინსვლა-განვითარება, გული მესტეკივთ მშობლიურ რაიონზე.

პირველი საკითხი, რასაც ახალგაზრდები აღნიშნავენ, ეს იყო სპორტის განვითარებისთვის მეტი ხელშეწყობა. მინდა გითხრათ, რომ ამ მიმართულებით ჩვენ მნიშვნელოვანი ნაბიჯები გვაქვს გადადგმული და ამჟამად მიმდინარეობს. დავიწყებ სპორტდარბაზის რეაბილიტაცია თითქმის დასრულდა.



გია ონიანი

ბუღალა. ამ კუთხით ძალიან დიდი მხარდაჭერა გვაქვს ჩვენ სპორტისა და კულტურის სამინისტროსგან, ქალბატონ თეა წულუკიანისგან.

როგორც ვიცით, უკვე შესყიდულია საჭირო ინვენტარი როგორც კრივის სექციისთვის, ასევე - ფრენბურთისა და კალათბურთის სექციებისთვის. კალათბურთის სექციას რაც შეეხება, უკვე გვყავდნენ სტუმრად კალათბურთის ფედერაციის წარმომადგენლები, ჩვენი რაიონელი შალვა ონიანის ხელმძღვანელობით და გვითხრეს, როგორც კი დასრულდება სპორტდარბაზის რეაბილიტაცია, მოგვავლიან საკალათბურთო ინვენტარს.

რაც შეეხება ძიუდოს, სპორტის ეს სახეობა, რა თქმა უნდა, განსაკუთრებით განვითარებადი და პოპულარულია ჩვენთან. ველოდებით ახალ ლეიბებს კულტურის სამინისტროდან.

ასევე გვსურს მეკლდეურების ახალი კედლის გაკეთებაც. გარეთ არსებული და შიგნით არსებული ძველი კედლები დავმალეთ და გვიანდა, რომ ახალი, თანამედროვე სტანდარტის კედელი გავაკეთოთ. ვეცდებით, წელს მოვასწოროთ, თუ არადა, მომავალ სეზონს აუცილებლად მოგვავაჩვენებთ.



აქვე მინდა, განსაკუთრებით აღვნიშნო, რომ ჩვენ დავიწყეთ კურორტ მუშის სპორტული განვითარება. წელს არა მარტო ლენტეხში, არამედ საქართველოში პირველად ჩატარდა ზამთრის სპორტულ სახეობაში ბიატლონის ჩემპიონატი, სპორტისა და კულტურის სამინისტროს მხარდაჭერით. ბიატლონის ფედერაციის ხელმძღვანელი, ბატონი სოსო ბაღათურია ჩართულია პირადად და წინა დღეს გადამგზავნა იმ ინვენტარის ჩამონათვალი, რაც გვჭირდება, რათა ზამთარში თავიდან სრულფასოვნად აღდგეს როგორც ვარჯიში, ასევე დიდი შეჯიბრებები ჩავატაროთ.

გარდა ამისა, გვაქვს ერთი კარგი სიახლე: ერთ-ერთი პირველი რეგიონი ვართ საქართველოში, სადაც რაგბის განვითარება დავიწყეთ. გაიხსნა სარაგბო კლუბი „ამარანტი“. კარგი ადამიანების მხარდაჭერითა და დაფინანსებით უკვე ერთ წელიწადში ამ წარმატების შედეგად არ დააყოვნა და ახლახანს ონში გამართულ სარაგბო ფესტივალზე ყველა შეხვედრა ლენტეხის „დათვებმა“ მოიგეს. შედეგად, ჩვენი „ამარანტი“ სრულიად უფასოდ მიდიან შეჯიბრებებში და ესეც ჩვენი კარგი სპონსორების მხარდაჭერითა და დაფინანსებით ხდება, ოჯახსა და ბავშვს არ უჯდებათ არაფერი არც ფორმა, არც - შეკრება. ყველაზე სასიამოვნო ფაქტი ისაა, რომ მთელი ლენტეხის მასშტაბით გვაქვს ათვისებული სპორტული მიმდინარეობა, რაც წინა წლებისგან განსხვავებით, დიდი ფუფუნებაა, როდესაც ბავშვს თავის სოფელში აკითხავს მიკრო ავტობუსი, მიჰყავს ვარჯიშზე, სადაც ვარჯიშს სრულიად უფასოდ და უსასყიდლოდ უტარებენ, შემდეგ კი ისევ უკან, სახლში მიჰყავს ავტობუსს. ასეთი რამ საქართველოს მაშტაბით არსად ხდება. ასე რომ, სპორტის მიმართულებით ძალიან დიდი ცვლილებები გვაქვს.

- **კულტურული განვითარების კუთხით რა მდგომარეობაა მუნიციპალიტეტში?**

- ამ ეტაპზე რაც შემიძლია, გითხრათ, არის ის, რომ ლენტეხში კულტურის სახლის მშენებლობა თითქმის დასრულდა, წყალგაყვანილობა დასასრულს უახლოვდება და სულ მალე ძალიან დიდი და მასშტაბური ღონისძიება დაიგეგმება მისი გახ-

სნისთვის. დაახლოებით ერთ თვეში ვიხილავთ გახსნას

- **ბატონო გია, კიდევ რა აქტივობები იგეგმება ახალგაზრდებისთვის?**

- გარდა ამისა, მინდა, აღვნიშნო, რომ ლენტეხის მერია ეხმარება მუნიციპალიტეტში ყველა მცხოვრებ ახალგაზრდას, მიიღოს სრულყოფილი განათლება ცეკვისა და სიმღერის მიმართულებით. კულტურის ცენტრია ჩვენთან შემოსული და ძალიან გვცხამარებია. ასევე რამდენიმე წელია, ლენტეხშია გახსნილია ფოლკლორის ცენტრი და წინა კვირაში გადაწყდა, რომ ჩოლურის თემში გაიხსნას დამატებითი ფოლკლორის ცენტრი, რასაც კულტურის სამინისტრო დაფინანსებს, რაც ჩვენთვის ძალიან დიდი მხარდაჭერაა.

- **ბატონო გია, ახალგაზრდებმა ასევე გულისტკივლი გამოთქვეს, რომ ლენტეხში არ არის თანამედროვე სტანდარტების ბიბლიოთეკა. რას გვეტყვი ამ საკითხზე?**

- მესმის ახალგაზრდების გულისტკივლი და მინდა, ვუთხრა მათ, რომ ბიბლიოთეკის სრული რეაბილიტაციის პროექტი უკვე მზადაა, ველოდებით მცირე ტექნიკურ ნაბიჯებს, ვიმედოვნებთ, რომ მისი სრული რეაბილიტაცია წელს მოხდება, თუმცა, ჯერ არაა გადაწყვეტილი. მაგრამ ეს იმედი ჯერ არ გაქარწყლებულა, ვიმედოვნებთ, რომ იგივე შენობის სრულ რეაბილიტაციას მალე მოვახერხებთ.

- **წარმატებებს გისურვებთ, ბატონო გია!**

სტატია მოამზადეს: მარიამ ჯამბუ-რიძემ და თაკო დოდაშვილმა

ლენტეხის სამხატვრო სკოლამ სასწავლო წელი საერთაშორისო კონკურსში გამარჯვებით დაამთავრა

ლენტეხის სამხატვრო სკოლამ, რომლის ხელმძღვანელიცაა თამილა ლიპარტელიანი, 14 ივნისს სკოლის მოსწავლეთა ნამუშევრების წლის შემჯავებელი გამოფენა თამარ მეფის ხეივანში გამართა. გამოფენაზე წარმოდგენილი იყო 78 მოსწავლის ნამუშევრები: ფერწერა, გრაფიკა, გობელინი, თექა, ხის მხატვრული დამუშავების ნიმუშები.



გამოფენაში მონაწილეობა მიიღეს ხელეღის ჯგუფის მოსწავლეებმა. გამოფენა დაათვალიერა ლენტეხის მერმა, გია ონიანმა, საკრებულოს თავმჯდომარემ, გიორგი გახდელიანმა, კულტურის, სპორტისა და ძეგლთა დაცვის სამსახურის უფროსმა მედიკო ზვისტანმა, კულტურულ ორგანიზაციათა გაერთიანების უფროსმა ბესო გახდელიანმა, საკრებულოს თავმჯდომარისა და მერის მოადგილეებმა: დავით პირველმა, ზვიადი ლოხვანიძემ და მარადი ლიპარტელიანმა.გამოფენას განსაკუთრებული ჟრიაბული შემატა საბავშვო ბაღის გამოსაშვები ჯგუფის აღსაზრდელების სტუმრობამ (პედაგოგები ნათია გუგავა და თენა მუკბანიანი).

გამოფენა ასევე დაათვალიერეს რაიონში შემოსულმა ტურისტებმა და ადგილობრივებმა.

26 ივნისიდან 30 ივნისის ჩათვლით კი ლენტეხის სამხატვრო სკოლის 41-მა მოსწავლემ მონაწილეობა მიიღო ბათუმში საერთაშორისო ფესტივალ-კონკურსში „Wonderland-From Georgia With Love 2024“, რომელიც ორგანიზებული იყო შ.პ.ს „TeM

Travel“ და შ.პ.ს. „Geo Fest, Georgia“ - ს მიერ.

ფესტივალ-კონკურსში მონაწილეობდნენ როგორც საქართველოს, ასევე - ლატვიის, ყაზახეთის, უკრაინის, გერმანიის, ისრაელის,ლიტვის, სომხეთის წარმომადგენლები.

ჟიურის შეფასებით, უმაღლესი შეფასება - 41 პირველი ადგილი, მედლითა და თასით, მოიპოვეს ლენტეხის სამხატვრო სკოლის წარმომადგენლებმა.

სამხატვრო სკოლის დირექტორი, ქალბატონი თამილა ლიპარტელიანი მადლობას უხდის ორგანიზატორებს მიწვევისთვის და ჟიურის - უმაღლესი შეფასებისთვის. ხოლო მხარდაჭერისთვის მადლობას უხდის ლენტეხის მერს, გია ონიანს, კულტურის, სპორტისა და ძეგლთა დაცვის სამსახურის უფროსს, მედიკო ზვისტანს და კულტურულ ორგანიზაციათა გაერთიანების უფროსს, ბესო გახდელიანს.

ჩვენი რედაქცია კიდევ ბევრ წარმატებას უსურვებს ლენტეხის სამხატვრო სკოლას სამომავლოდ!

ნატა გულბანი



ლენტეხის მუნიციპალიტეტში შიდა სასოფლო გზების მოწესრიგება კრიორიტეტულია



ლენტეხის მუნიციპალიტეტის მერიის ერთ-ერთ პრიორიტეტს შიდა სასოფლო გზების მოწესრიგება წარმოადგენს.

სწორედ ამ მიზნით სოფელ წანაში მიმდინარეობს ბეტონის საფარიანი გზის მოწყობა-რეაბილიტაცია და იოანე ნათლისმცემლის ეკლესიისკენ მისასვლელი ბილიკების მოწყობითი სამუშაოები, რომელსაც შპს „ელიტ ბილდერს გრუპი“ ასრულებს.

სახელმწიფოებრივი ღირებულება კი 132,858 ლარს შეადგენს.

ასევე, სოფელ ლესემაში, მოსახლეობის დაცვის უზრუნველყოფის მიზნით, მიმდინარეობს ნაპირსამაგრი ჯებირების მოწყობა მდინარე ხელედურაზე.

სამუშაოების განხორციელებას შ.პ.ს „ბაბილო კომპანი“, უზრუნველყოფს თანხით 140,179 ლარი.

მონიტორინგის მიზნით, რაჭა-ლეჩხუმ-ქვემო სვანეთის სახელმწიფო რწმუნებულის მოადგილე ბერდია ჩანჭელიანმა და ლენტეხის მუნიციპალიტეტის მერმა, გია ონიანმა, პროექტით გათვალისწინებული სამუშაოები დაათვალიერეს.

სამუშაოები რეგიონალური განვითარების ფონდის დაფინანსებით ხორციელდება.

სოფელ სასაშში ეროვნული გმირის, ემზარ ონიანის სახელობის სკვერი კეთილმოეწყო



მერიის ინფრასტრუქტურული პროექტების ფარგლებში, ადგილობრივების თხოვნის საფუძველზე, სოფელ სასაშში ემზარ ონიანის სახელობის სკვერის კეთილმოწყობის სამუშაოები დასრულდა.

შესრულებული სამუშაოების ფარგლებში მოეწყო მონოლითური რკინა-ბეტონის კედელი, გრანიტის ქვის დეკორატიული ღობე, მონოლითური რკინა-ბეტონის კიბეები და პანდუსები, გრანიტის ბორდიურები, ქვაფენილი, განათება, საბავშვო მოედანზე ატრაქციონი, ასფალტო-ბეტონის საფარი, ფანჯატური და ემზარ ონიანის სახელობის მემორიალური ქვა.

ლენტეხის მუნიციპალიტეტის მერმა, გია ონიანმა, და საკრებულოს თავმჯდომარემ, გიორგი გახდელიანმა, დასრულებული პროექტი მონიტორინგის მიზნით მოინახულეს.

334 431 ლარის ღირებულების პროექტი რეგიონალური განვითარების ფონდის დაფინანსებით განხორციელდა.

დაგეგმილია და უახლოეს პერიოდში კეთილმოეწყობა ეროვნული გმირის, ემზარ ონიანის საფლავიც.



ქვემო სვანეთში ტრადიციული სახალხო დღესასწაული „სკალდობა 2024“ აღნიშნეს

დილიდან სკალდის მთაზე, გაბრიელ და მიქაელ მთავარანგელოზების სახელობის ეკლესიაში, რომელიც ზღვის დონიდან 2210 მეტრზე მაღლა მდებარეობს, წირვა აღავლინა ჟვონდიდის, ცაბარის და ლენტეხის მიტროპოლიტმა-სამეფანამ და ნიკორწმინდელმა ეპისკოპოსმა-ვახტანგმა.

უამრავი სტუმარი და მომლოცველი ეწვია ლეგენდარულ სკალდისა და ფაყის მთას, რომელიც მრავალ მითს და იდუმალებას ინახავს. სკალდის მოლოცვა იმედით, ძალით და წყალობით ავსებდა მორწმუნეებს ოდითგან.

სკალდის მთაზე ადგილობრივ მოსახლეობასთან და საქართველოს სხვადასხვა კუთხიდან მოსულ უამრავ სტუმართან ერთად, იმყოფებოდნენ: საქართველოს თავდაცვის მინისტრი- ირაკლი ჩიქოვანი, პარლამენტის საგარეო ურთიერთობათა კომიტეტის თავმჯდომარე-ნიკოლოზ სამხარაძე, პარლამენტარები, რაჭა-ლეჩხუმ-სვანეთის მაჟორიტარი დეპუტატი-გოჩა ენუქიძე, სახელმწიფო რწმუნებული-პაპუნა მარგველიძე, ლენტეხის მუნიციპალიტეტის მერი-გია ონიანი, საკრებულოს თავმჯდომარე-გიორგი გახდელიანი და ადგილობრივი ხელისუფლების სხვა წარმომადგენლები.

დღესასწაულის ფარგლებში სკალდის მთაზე გაიმართა სპორტული შეჯიბრებები სხვადასხვა სახეობებში: ჭიდაობა „ლბ“ რეგული, ჯილდაობა) და დოლი.

დოლში გამარჯვებულს, თემურ ჩანჭელიანს საჩუქრად გადაეცა ცხენი.

სვანურ ჭიდაობა „მარკლანში“ გამარჯვებულს, მირიან გვიჭიანს, გადაეცა ფულადი პრიზი.

სხვა წონით კატეგორიებში გამარჯვებულები დაჯილდოვდნენ ფულადი პრიზებითა და საჩუქრებით.

ფაყის მთაზე ასევე მოეწყო სამხატვრო სკოლის მოსწავლეებისა და თვითნასწავლ მხატვართა ხეზე კვეთისა და სხვა ხელსაქმის ოსტატთა მიერ შესრულებული ნიმუშების გამოფენა-გაყიდვა. ხოლო, ხელედის ქალთა ფოლკლორული ანსამბლის



„სკალდი“-სა და ლენტეხის მგალობელ ბავშვთა გუნდის მიერ შესრულდა სხვადასხვა საგალობი და საფერხულო სიმღერები.

ინფრასტრუქტურული პროექტების სტატისტიკა ლენტეხში

ლენტეხის მუნიციპალიტეტის ხელედის ადმინისტრაციულ ერთეულში შემავალ რვავე სოფელში (ზავარი, მანანაური, ცხუმალდი, ხაჩეში, ხელედი, წანაში, ლესემა, ფაყი) 2012 წლიდან 2024 წლამდე ადგილობრივი და სახელმწიფო ბიუჯეტიდან განხორციელდა შემდეგი სახის ინფრასტრუქტურული პროექტები-თანხით:

- ცენტრალური, შიდა სასოფლო გზებისა და სანიაღვრე სისტემების მოწყობა 6 000 842 ლარი.
- ნაპირსამაგრები და მდინარეების გაფართოება-გასწორება-განთავსება 2 311 753 ლარი.
- სასმელი წყლის მაგისტრალები-სა და აუზების მოწყობა 349 780 ლარი.
- ხიდებისა და ხიდ-ბოგირების რეაბილიტაცია 3 408 041 ლარი.
- მინი სტადიონების მოწყობა 180 000 ლარი.
- ბაღებისა და სკოლების მშენებ-

ლობა-რეაბილიტაცია 2 045 000 ლარი.

ხელედის თემში „სოფლის მხარდაჭერის პროგრამის“ ფარგლებში განხორციელდა შემდეგი პროექტები:

- შიდა სასოფლო გზის რეაბილიტაცია - 120 000 ლარი
- თავშეყრის ადგილის მოწყობა - 22 000 ლარი
- ხიდ-ბოგირების მოწყობა - 20 000 ლარი
- წყლის სისტემების რეაბილიტაცია - 20 000 ლარი
- გარე განათების მოწყობა- 90 000 ლარი
- სასასფლაოების შემოღობვა- 40 000 ლარი
- ტრაქტორის შეძენა - 10 000 ლარი
- სასაფლაოების შემოღობვა - 15 331 ლარი
- საზაფხულო იალაღებზე კოტეჯის მოწყობა - 7 764 ლარი

• ხიდ-ბოგირის მოწყობა - 5 262 ლარი

• ხიდ-ბოგირის მოწყობა - 4 120 ლარი

• ხიდ-ბოგირის მოწყობა - 4 223 ლარი

• ჯებირის და გადასასვლელის მოწყობა - 5 010 ლარი

• წისქვილის შეძენა - 4 751 ლარი

• ნაპირსამაგრი ჯებირების მოწყობა - 5 047 ლარი

• მინერალური წყლის მოწყობა და გზის რეაბილიტაცია - 13 667 ლარი

• მინი ტრაქტორის შეძენა - 7 798 ლარი

• გზის რეაბილიტაცია - 15 328 ლარი

• სარიტუალო დანიშნულების ფარდულის მოწყობა - 9 623 ლარი

• მდინარის ნაპირის გამაგრება - 5 057 ლარი

• სეფის მასალისა და ჯამ-ჭურჭლის შეძენა - 16507 ლარი

ლენტეხის მუნიციპალიტეტში 9 სოციალური პროგრამა ხორციელდება!

ინფორმაცია ლენტეხის მერიის ჯანმრთელობისა და სოციალური დაცვის სამსახურის ხელმძღვანელ ხათუნა ლიპარაშვილისაგან.

- ქალბატონო ხათუნა, როგორც ვიცით, ლენტეხის მუნიციპალიტეტის მცხოვრებთა ინტერესი განსაკუთრებით დიდია სოციალური პროგრამების მიმართ, თუ რა სახის დახმარებების გაცემა ხდება, ვინ არიან კონკრეტული პროგრამების ბენეფიციარები ან რა დოკუმენტაციას საჭირო ამა თუ იმ პროგრამაში ჩასართავად. სწორედ ამ დიდი ინტერესის გამო, გთხოვთ რამდენიმე კითხვაზე გვიპასუხოთ.

- ამჟამად რამდენი სოციალური პროგრამა ხორციელდება ლენტეხში და რა ბიუჯეტია ამისთვის გათვალისწინებული 2024 წელს?

- ამჟამად ლენტეხის მუნიციპალიტეტის ადგილობრივი ბიუჯეტიდან ხორციელდება 9 სოციალური პროგრამა, ამისთვის კი ბიუ-

ჯეტში გათვალისწინებულია - 235 000 (ორას ოცდათხუთმეტი ათასი) ლარი.

- გასულ წელთან შედარებით, ხომ არ გაზრდილა სოციალური პროგრამების დაფინანსება ან რომელიმე ახალი პროგრამა ხომ არ დამატებია?

- დიახ, სოციალური ბიუჯეტი ყოველწლიურად იზრდება და გასულ წელთან შედარებით, წელსაც გაზრდილია. რაც შეეხება ახალ პროგრამას, მიმდინარე წლის განმავლობაში ახალი პროგრამა დადგენილებაში არ დამატებია.

- ზოგადად, ვინ ითვლება სოციალური დახმარების პროგრამის სამიზნე ჯგუფებად თქვენს მუნიციპალიტეტში, ვინ არიან თქვენი სოციალური პროგრამების ბენეფიციარები?

- სოციალური დახმარების პროგრამის სამიზნე ჯგუფებად ითვლებიან:

მძიმე ავადმყოფები, მრავალშვილიანი დედები, დაბადებიდან შშმ, ვეტერანები, დევნილები, ხანდაზმულები, ეკომიგრანტები.

-რამდენი სოციალურად დაუცვე-



ლი ადამიანი ცხოვრობს ლენტეხის მუნიციპალიტეტში?

- ლენტეხის მუნიციპალიტეტში ცხოვრობს 2200 სოციალურად დაუცველი ბენეფიციარი.

- მაინც როგორ უნდა მივიღოთ სოციალური დახმარება ბიუჯეტიდან, რა დოკუმენტაციაა ამისთვის

საჭირო?

- ადგილობრივი ბიუჯეტიდან სოციალური დახმარება გაიცემა შემდეგი დოკუმენტაციის საფუძველზე:

ა) განცხადება მუნიციპალიტეტის მერის სახელზე;

ბ) განმცხადებლის პირადობის მოწ-

მობის ასლი;

გ) ცნობა ჯანმრთელობის მდგომარეობის შესახებ - ფორმა #100/ა, გაცემიდან 3 თვის განმავლობაში.

დ) ანგარიშგაქტურა სამკურნალო დაწესებულებიდან ჩატარებული მკურნალობის შესახებ, ქვითარი წარმოდგენილი უნდა იყოს სტაციონარიდან გამოწერის შემდეგ არაუმეტეს 60 კალენდარული დღის განმავლობაში;

ე) განმცხადებლის საბანკო ანგარიში;

ვ) მაღალმთიან დასახლებაში მუდმივად მცხოვრები პირის სტატუსის დამადასტურებელი დოკუმენტი;

- დღეის მდგომარეობით სულ რამდენი თანხაა გაცემული თითოეული პროგრამის ბენეფიციარებისთვის?

- დღეის მდგომარეობით 350 ბენეფიციარზე გაცემულია 140 000 (ას ორმოცი ათასი) ლარი.

მარიამ ჯამბურაძე

პირველად ონში ბავშვთა სარაგბო ფესტივალი გაიმართა

ონის მუნიციპალიტეტის სლავა მეტრეველის სახელობის სტადიონზე საქართველოს მთავრობის, რაჭა-ლეჩხუმისა და ქვემო სვანეთის მხარეთა ადმინისტრაციის, რეგიონში შემავალი მუნიციპალიტეტების, ასევე საქართველოს რაგბის კავშირის პარტნიორობით, 2013-2014 წლებში დაბადებულ ბავშვთა სა-

რაგბო ფესტივალი გაიმართა.

ტურნირის მასპინძლობდა რაჭა-ლეჩხუმისა და ქვემო სვანეთის მხარეში ერთი წლის წინ დაარსებული სარაგბო კლუბი „ამარანტები“, რომელიც ბიზნესმენების: დიმიტრი აბდუშელიშვილის, მამუკა მურჯიკნელის, ალექსი ნიკოლაიშვილის და

აკაკი დავითილიანის თაოსნობით, ლეჩხუმის, ლენტეხის, ამბროლაურისა და ონის მუნიციპალიტეტებისა და რაგბის კავშირის მხარდაჭერით დაარსდა.

ფესტივალის დასრულების შემდგომ გაიმართა სარაგბო გუნდების დაჯილდოების ცერემონია, რომელშიც მანაწილეობა მხარის რწმუ-

ნებულთან, პაპუნა მარგველიძესთან ერთად, მოწვეულმა სტუმრებმა, ცნობილმა მორაგებებმა და მუნიციპალიტეტების ხელმძღვანელმა პირებმაც მიიღეს.

დაჯილდოვდა ფესტივალში მონაწილე თექვსმეტივე გუნდი შესაბამისი სიგელებითა და სუვენირებით.

ლენტეხიდან გამარჯვებული გუნდი იყო „დათვები“.

აღსანიშნავია, რომ ონის მუნიციპალიტეტში სარაგბო ბავშვთა ფესტივალი აქამდე არასდროს ჩატარებულა. მისი მიზანია ახალგაზრდებში ჯანსაღი ცხოვრების წესის დანერგვა და რეგიონში რაგბის პოპულარიზაცია.



ტურნირი ქართულ ჭიდაობაში

დაბა ლენტეხში, ოლეგ ლიპარტელიანის სახელობის ლენტეხის ოლიმპიური მომზადების ცენტრის სტადიონზე, სპორტის დამსახურებული ოსტატის, საქართველოს არაერთგზის ჩემპიონის ქართულ ჭიდაობაში, გერასიმე ქურასხედიანის სახელობის ღია ტურნირი გაიმართა.

შეჯიბრში ლენტეხის მუნიციპალიტეტის სასპორტო სკოლების გაერთიანებაში შემავალი ჭიდაობის სექციის აღსაზრდელები მონაწილეობდნენ.

გერასიმე ქურასხედიანის სახელობის თასი გარდაცვლილის შვილიშვილმა მძიმე წონაში გამარჯვებულ ნიკოლოზ ლიპარტელიანს გადაცა.

ხოლო ტექნიკური მოჭიდავის თასი წილად ხვდა ნანუკა ონიანს. სხვა კატეგორიებში გამარჯვებულები მედლებითა და დიპლომებით დაჯილდოვდნენ.

ლენტეხის მერმა, გია ონიანმა



მადლობა გადაუხადა ტურნირის ორგანიზატორებს, შესაბამის სამსახურს, მწვრთნელებს, მონაწილეებს საინტერესო და სანახაობრივი შეჯიბრის ჩატარებისთვის.

ტურნირი ლენტეხის მუნიციპალიტეტის მერიის ინიციატივითა

და თანადგომით ჩატარდა.

იმავე დღეს ცენტრალურ ხეივანში მოეწყო სამხატვრო სკოლის აღსაზრდელების მიერ შესრულებული შემოქმედებითი ნამუშევრების გამოფენა-დათვალიერება.

ასევე, რესურსცენტრის ხელ-



მძღვანელობით ზოგად-საგანმანათლებლო საჯარო სკოლებს შორის გაიმართა შეჯიბრი ფრენბურთში, სადაც პირველი ადგილი დაიკავა და გამარჯვებული გუნდი გახდა გოგონათა შორის ჩოლურის საჯარო სკოლა, ხოლო ვაჟებს შო-

რის - სოფელ მელეს საჯარო სკოლა, მეორე ადგილი გოგონებსა და ვაჟებს შორის ლენტეხის პირველმა საჯარო სკოლამ დაიკავა, მესამე ადგილი ვაჟებს შორის ხოფურის საჯარო სკოლამ მოიპოვა.

